



Universitätsbibliothek Paderborn

**De Breviario Concionatorio, Strenæ, Fidelis Prophetissa
Concionibus de B. M. Virgine serviens, Conciones
Occurrentes & Funebres**

Tylkowski, Wojciech

Oliva, 1686

XVI. Quia mediante Virgine omnia facilè à Deo impetrantur.

[urn:nbn:de:hbz:466:1-51821](#)

S. Anselm. de excellent. Virg. cap. 8. Immenritatem gratiæ & gloriæ, & felicitatis tute considerare cupienti, ð Virgo sensus deficit, lingua facit. S. Bernardin.
tom. 1. serm. 61. art. 2. cap. 3. Tantum differt gloria Virginis, a gloria omnium beatorum, quantum sol à ceteris luminaribus coeli: & quodammodo sicut cetera lumina illuminantur à sole, sic tota cœlestis curia à gloriosa Virgine lœtificatur, & decoratur. S. Bonav. Spec. B. V. cap. 6. Gloriosum Mariæ privilegium est, quod quidquid post Deum pulchrius, quidquid dulcius, quidquid jucundius est in gloria hoc Mariæ, hoc in Maria, hoc per Mariam. Ideo ut Bernardin. dixerit: Summa gloria est, Maria, post Dominum te videre. Et S. Ioan. Damasc. 27. Ian. ode 1. eam sic salutat: Salve ð Domina decies millesim honorum vocabulis digna. Et Deus ipse tantoper illâ delectatur: Revera ait S. Bonav. Spec. cap. 6. in capite ejus Rex Regum diadema regni posuit, tam pretiabile, tam delectabile, tam mirabile quod hoc omni lingua enarrabile, omni ingenio inscrutabile est. S. Theophan. 9. Febr. ode 1. Etiam cœlestis intellectus ad incomprehensum dignitatis tuae mysterium pari subtilitate penetrandum, revera se hebetem sentit, ð ab omnibus certatum laudata. Eccles. Grecia 24. Martij. illam à dextris constituit suis Deus, tanquam Reginam dignitate sibi propinquam, & excellenti pulchritudine præditam. Hortatur nos ad ejus laudes S. Sabbas Men. 25. Iunij dum ait: Animatus ille Domini Thalamus, qui inter confusos spinarum acervos ad fulgentis lilij morem efflorescit, hic inquam animatus Domini Thalamus, dignus est omnibus, quibus per nos afficitur laudibus. Angelus apud S. Brigitam in serm. Ang. dum multa arcana Dei enunciat, ante mundi originem ita loquitur inter cetera. Mundo crearo, adhuc unus minor mundus Virgo Maria coram Deo, cum omni venustate nondum creatus est, à quo major gloria Deo, & Angelis major lœtitia, atque omni homini ejus bonitate frui volenti, major utilitas, quam de hoc majore mundo provenire debebat.

16. Quia mediante Virgine omnia facile à DEO
impetrantur.

Methodius Patrarensis hom. de Simeone ita alloquitur Virginem. Benedicta tu, prorsus benedicta, omnibusq; desiderabilis: in benedictionibus Domini nomen tuum, Divinâ gratiâ plenissimum: omnibus generationibus excelsior, omnibusque visibilis, arque invisibilis operibus longè præstantior declarata. Sozbron: qui floruit anno 400. serm. de Assumpt. B. Virg. qui inter opera S. Hieronymi habetur, sic ejus magnitudinem predicit. Bene gratiâ plena dicitur, quia ceteris per partes præstat, L 1

statur, Mariæ verò simul se tota infudit plenitudo gratiæ. Quidquid enim in gestum est, totum puritas & simplicitas, totum gratia & veritas fuit, totum misericordia & iustitia, quæ de celo prospexit, & ideo immaculata, quia in nullo corrupta. Verè Hortus deliciarum in quo consta sunt omnia florum genera, & odoramenta virtutum, sicque conclusis, ut nesciat violari nequè corrumphi ulli insidiarum fraudibus. Fons signatus totius sigillo Trinitatis, ex quo vita Fons manat, in hujus lumine videbimus lumen. B. Joseph Hermannus opus, 3. Gaude summa Creatura, Mater Dei Virgo pura, gaude laude infinita, redimita Margarita, Amplius S. Brigitta lib. 1. cap. 24. Nulla Virtus est in Deo, quæ non resulserit in Maria. S. Ioan. Damasc. Men. Iam. 1. oda 4. O intemerata rogamus te obnoxie, ut pro famulis tuis, aliud intercedas, potes quippe re ipsam omnes salvare, ut Dei altissimi Mater precibus, Maternâ authoritate pollutibus. Verè potest, cum sit in proximè dictum omnibus operibus Dei longè præstantior, omnibus sanctior, tam propinqua Deo: potest verò & vult; idque non semper nostras expediens preces, quibus exoretur. Testis esto 13. Ioh. S. Ioseph: Confessio: Quis ad tuam se protectionem, o Deipara confert, qui non celeri per te immunitate donetur, teque Auxiliatricem agnoscat tam potentem, ut nulli⁹ clientis fiduciam sinas confundere. Bonav. in Spec. cap. 7. ad illud Ioh. II. Egregietur Virga de radice Iesse &c. Quicunque septiformem Spiritus S. gratiam adipisci desiderat, ipsum Florem Spiritus S. in Virginem querat, per Virginem enim ad Florem, per Florem ad Spiritum in eo requiecentem pervenimus: per Mariam ad Christum accedimus, & per Christum gratiam Spiritus S. inuenimus.

Bern. serm. 3. de adventu. Studeamus & nos dilectissimi per ipsam ad Deum ascendere, qui per ipsam ad nos descendit, per eam venire in gratiam ipsius, qui per eam venit in nostram miseriariam. Quod dum agnoscit Ecclesia latina, exclamat: Eja ergo Advocata nostra illos tuos misericordes oculos ad nos converte. Merito illam. Epibrem. orat. de laudib. Virg. vocat Volum fidelium, & Propitiatorium laborantium. Andi. Cret. in salut. Christianæ fidei Propugnaculum, & eorum qui spem in ea collocant Propugnaticem. Nazim. in trag. Christi. Patronam acceptissimam Bernard. serm. 1. de Assumpt. Advocatam salutis nostræ negotia perractantem. Bonav. in hymno Te DEum. Agonizatricem pugnantium, Advocatam pauperum, Misericordem & Refugium peccatorum, Erogatricem munerum, post Deum solam Spem nostram & Salutem illam invocantium, Promotricem justorum, Congregatricem errantium. Ansel. de excell. Virg. cap. 12. Benignissimus Filius tuus Dom. N. Jesus Christus erit ad concedendum quidquid voles promptissimus, &

exal-

exaudibilis; tantummodo itaque velis salutem nostram, & verè nequaquam salvi esse non poterimus. Hortatur hic S.Bernard. serm. de Nativit. Quæramus gratiam, & per Mariam queramus, quia quod querit invenit, & frustrari non potest, exaudiens utique Matrem Filius. Hugo de S.Vict. in sentent. Si pertimescis supplicatus ad Deum accedere, respice ad Mariam, non illic invenies quod timeas. Hoc est quod Deus nobis dedit Adjutorium simile nobis, quod nos juvando prioris damna compenset, & tale Adjutorium quod solo accessu sanctificavit Joannem, quid si orâset pro illo? imo & Elizabeth repleta Spiritu S. & prophetæ donum accepit. Greg. hom. i. in Ezechiel. Elizabeth simul de præterito, futuro, & præsenti per prophetæ spiritum tacta est. Lib. orat. Eccles. insert. Te Domina racente nullus orabit, te autem orante omnes juvabunt, & orabunt. Richard, à S.Laur. lib. 12. Hæc est Virga Moysis quæ percussit petram Exod. 17. & num. 20., & fluxerunt aquæ ita ut biberet populus, & juventa. Petra Christus Cor. 1. Petra autem erat Christus. Duritas hujus petrae rigor, seu severitas justitiae Divinæ, ipse autem nunquam ita severus, aut durus est erga peccatores, quin effundat aquas gratiarum, vel indulgentia, si hæc Virga eum tetigerit piâ oratione. Aug. serm. 3. de Nativ. Virg. Nec dubium est quia quæ meruit pro liberandis offerre pretium, possit plus omnibus impendere suffragium. Unde illam Greg. Nicomed. orat. de Purif. vocavit, Omnipotenter suis orationibus. Et aliud hæc potentia patet, quod enim quis sanctior, efficacius apud Deum orat, Virgini verò nemo in sanctitate æqualis. Unde August. serm. 29. de ss. Nullum potioremerit invenimus ad placandam iram æterni Judicis, quam eam quæ fieri meruit Mater ejusdem Redemptoris, & Judicis. S.Thom. opus. 8. Magnum est in quolibet Sancto, quandò habet tantum de gratiâ quod sufficit ad salutem multorum: sed quandò haberet tantum quod sufficeret ad salutem omnium de mundo, hoc esset maximum: & hoc est in Christo & in Virgine, nam in omni periculo potes habere salutem ab ipsa Virgine gloria. Unde Cantic. 4. mille clypei id est remedia pendent ex ea. Item in opere virtutis potes eam habere in adjutorium, & ideo dicit ipsa Ecclesiastis: 24. In me s̄p̄s vita & virtus. Sed universalis Ecclesie Romane 12. Sept. in Brev. sensus ille est, qui Chrysost. Visne agnosceret quantò hæc Virgo præstantior coelestibus potentij: illæ cum timore, & tremore, asilunt faciem velantes suam, hæc humanum illi genus offert quem genuit, per hanc & peccatorum veniam consequimur.

Idiot. in prol. Cant. Cæteri Sancti jure quodam patrocinij pro sibi specialiter commissis plus possunt prodere in curia altissimi, quam pro alienis, Bma verò V. Maria sicut est omnium Regina, sic & omnium Patrona & Advocata, & cura est illi

illi de omnibus. Hanc solitus adhibere Exoratricem *S. Franciscus Xaverius* cuius efficaciam proficitur lib. 2. epist. 6. Quo facilius impetrarem *Sanctissimum Deum Parentem Patronam* adhibui, quae coeli Regina, nullo negotio quidquid oratione, exorat. Hoc ipsum promisit *Christus Matri sue audiente S. Brigitta* lib. 1. epist. 10. dum sic Matri locutus: Nulla erit peritio tua ad me, quae non exaudiatur, & per te omnes qui petunt misericordiam cum voluntate emendandi gratiam habebunt. Propter quae Ecclesia latina orat Christum Dominum: Qui tibi de arba nostris placere non valamus, Genitricis Filii tui intercessione salvemur. Quia ut *S. Gertrud.* orat. de zona, omnia tua admirabilia sunt o Deipara: omnia ingentia, & aliorum vires superantia, propterea patrocinium tuum magis est quam ut intelligentia comprehendendi possit. Explicat hoc quādam hypothesi *Suarez* tom. 2. in 3. p. 23. sect. 2. Si cogitatione fingamus B. Virginem aliquid postulare, totam curiam celestem illi resisteret, sicut apud Daniellum Angelus alteri resistebat potentior esse, majorisque efficacia, & valoris apud Deum Virginis quam reliquorum omnium Sanctorum oratio. Insuper *Jacob.* in prol. contempl. de B. v. Inventâ Virgine Maria invenitur omne bonum, ipsa namque diligit diligentes Ie, immo servientibus serva ipsa Superbenedicto Filio suo irato potentissime reconciliat servos, & amatores suos: tanta quoque est ejus benignitas, quod nulli formidandum est ad eam accedere, tantaque misericordia quod nemo ab ea repellitur, immo donis, & charitatis auxiliis edificat servos suos, ut Superbenedicti Filii sui, & Spiritus S. digna habitatio. Ipsa preces & sacrificia servorum suorum, & maxime quae sibi exhibetur presentat in conspectu Divine Majestatis, quia est Advocata nostra apud Filium, sicut Filius apud Patrem: immo apud Patrem & Filium procurat negotia, & petitiones nostras, & sèpè quos iustitia Filii potest dominare, Matris misericordia liberat, quae Thesaurus Domini est, & Thesauraria gratiarum ipsius, donis spiritualibus dirat copiosissime servientes sibi, & potentissime protegit eos à triplo adversario mundo, carne, & diabolo, quia salus nostra in manu illius est, post filium suum Domina est universa creatura, & in futuro seculo glorificabit servientes sibi, si eam honorificaverint in praesenti. Eli seus petebat ab Elia duplum spiritum 4. Reg. 2. tantum illi respondit: si visderis me &c. Ast ubi Jordanem transiit, & duplum spiritum, & pallium dedit. *Jordanis* imago est Virginis nolens juxta *S. Hieron.* epist. ad *Babil.* Ubi illa mediat, plus obtinetur quam petitur. Venerunt ad Abram tres viri Sodomam subverluri, accepti ab eo mensa, in eam descenderunt familiaritatem, ut & secretum ei suum de perdenda Sodoma priderent. Convivium unde placuit? frugale fuit, Sara illud paraverat, viles cib

qui per manus Saræ transierunt, tantam efficaciam habuerunt. Per *Sarem*, ut intelligam SSam Virginem est nulli Autor D. Bonav. in *Spec. B. Virg.* Exclamat hic *Eusebianus de poenitentia Theophili*. Quis ò Domina mea speravit in te & pudore est affectus? aut quis hominum fideliter omnipotentem tuam rogavit opem, & fuit unquam derelictus? Unde hortatur *Fulbert. Carnot.* Inter haec igitur Fratres cum toto mentis affectu Beatissimæ Virginis intercessione nos committamus, omnes ejus patrocinia omni nisu imploremus, ut dum nos supplici eam obsequio frequentamus in terris, ipsa nos sedulâ prece commendare dignetur in cœlis, neq; enim dubium quæ meruit pro liberandis proferre pretium, posse plus omnibus liberatis conferre suffragium. *Card. Hailgrinus.* Sicut oleum cæterum liquorem supernat, sic nomen Mariæ & invocationes nominis ejus omnium Sanctorum nomina, & invocationes nominum superexcellit, & supererat in efficacia subventionis. Quare S. Joseph. *Confess. in Men. 7. Martij* dixit. Beatus est populus qui te omnium Domini Matrem agnoscit, & celebranda beatitudinis tuae desiderio flagrat. *Consonat & Romana Ecclesia Græca, dum de Virgine dicit.* Venerunt omnia bona pariter cum illa. *S. Joseph Confess. in Meneis 2. Martij.* Qui sacram uterum tuum incoluit Dominus, ille nunc omnes verâ te fide ut beatam laudantes, in habitacula toti Trinitati jucunda permutat. *S. Sabbas 2. Iulij ibid. Non dubium est, quin expertus canit:* Letitia tua ò Virgo quæ in homines sine fine redundat, instar roris maturini, illam exultantem ærumnarum fornacem, quâ encomiastæ tui subinde in hac vita vexentur perpetuo sopit ac mitigat: hoc est extinguis Virgo atque topis in cultoribus tu fomitem peccati.

17. Quia Cœlum ejus laudibus plenum.

S. Bernardinus tom. 3. serm. 1. ad 2. cap. 1. ita probat Christo Virginem vicinam. B. Virgo fuit Christo vicinissima quadrupliciter. 1. In Incarnatione, per carnis identitatem, quia eadem caro quæ fuit Virginis Matri facta est caro Filii Dei, ideo illi dictum: Dominus tecum. 2. In Converstatione siquidem eum lactavit, illi que ministravit, ejus absentiam sustinere non potuit, nam & dolens eum quæsivit, & in templo invenit. 3. In passione fuit vicinissima, per compunctionem, quia recessitibus discipulis non recessit, stebat enim juxta crucem Iesu. 4. In Assumptione per gloriam. *S. Anton. 4. p. tit. 15. cap. 20. parag. 1.* Virgo Sanctissima quamvis & ipsa stella maris illustretur a sole, tamen *Apoc. 12.* dicitur veluta ipso Sole, ut ostendatur præmium ejus excellentissimum, ut sicut nil propinquius & coniunctius

L 1 3

etius